

28 დეკემბერი 2018 წ.

ქ. თბილისი

ერთი მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“, შემდგომში წოდებული „შემსყიდველად“, წარმოდგენილი მისი ადმინისტრაციის ხელმძღვანელის მოვალეობის შემსრულებელის ირინა დვალის მიერ, და მეორე მხრივ შპს „მაგთიკომი“ შემდგომში წოდებული „მიმწოდებელად“, წარმოდგენილი გენერალური დირექტორის მოადგილის გია კოშორიძის მიერ, ცალ-ცალკე წოდებული როგორც „მხარე“, ხოლო ერთობლივად „მხარეები“ მოქმედნი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, შემსყიდველის მიერ ჩატარებული ელექტრონული ტენდერის აუქციონის გარეშე, სატენდერო განცხადების NAT180019489 საფუძველზე, ვდებთ წინამდებარე ხელშეკრულებას:

მუხლი 1. ტერმინთა განმარტებები

1.1 „სახელმწიფო შესყიდვის შესახებ ხელშეკრულება“ (შემდგომში „ხელშეკრულება“) – ნიშნავს „შემსყიდველს“ და „მიმწოდებელს“ შორის დადებულ „ხელშეკრულებას“ და მის დანართს: „დანართი N1 - ფასების ცხრილი“, რომელიც წარმოადგენს ამ „ხელშეკრულების“ განუყოფელ ნაწილს და განიხილება წინამდებარე „ხელშეკრულებასთან“ ერთად.

1.2 „საქონელი“ - ნებისმიერი სახისა და აღწერილობის ქონება (გარდა უძრავი ქონებისა), როგორც მყარ, ისე თხევად ან აირად მდგომარეობაში, აგრეთვე საქონლის მიწოდების „თანმდევრი მომსახურება“, თუ ამ მომსახურების ღირებულება არ აღემატება საქონლის ღირებულებას.

1.3 „სამშენებლო სამუშაო“ (შემდგომში – „სამუშაო“) - შენობის, ნაგებობის ან სხვა ობიექტის მშენებლობასთან, რეკონსტრუქციასთან, ნგრევასთან, რემონტთან ან განახლებასთან დაკავშირებული ნებისმიერი სამუშაო (მათ შორის, სამშენებლო მოედნის მოწყობა, გრუნტის ამოღება, შენობის ან ნაგებობის აგება-აშენება, აღჭურვილობის მონტაჟი, მოპირკეთება და მოსაპირკეთებელი სამუშაოები, მშენებლობასთან დაკავშირებული საკომუნიკაციო ქსელების მოწყობის სამუშაოები), აგრეთვე მშენებლობის თანმდევრი მომსახურება, როგორიცაა ბურღვა, გეოდეზიური სამუშაოები, კოსმოსური და აეროგადაღება, სეისმური კვლევა და სახელმწიფო შესყიდვის შესახებ ხელშეკრულებით გათვალისწინებული სხვა ანალოგიური მომსახურება, თუ ამ მომსახურების ღირებულება არ აღემატება სამშენებლო სამუშაოს ღირებულებას.

1.4 „მომსახურება“ - შესყიდვის ნებისმიერი ობიექტი, საქონლისა და სამუშაოს გარდა.

1.5 „დანართი N1 - ფასების ცხრილი“ - „ხელშეკრულების“ დანართი, რომელშიც მოცემულია „მომსახურების“ დასახელებები, მათი რაოდენობა, ერთეულის ფასი და „მომსახურების ღირებულებები“.

1.6 „დანართი N2 - ტექნიკური დავალება“.

1.7 „ხელშეკრულების ღირებულება“ ნიშნავს წინამდებარე „ხელშეკრულების“ 4.1 მუხლში მითითებულ თანხას, რომელიც „შემსყიდველმა“ უნდა გადაიხადოს „მიმწოდებელის“ მიერ „ხელშეკრულებით“ ნაკისრი ვალდებულების სრული და ჯეროვანი შესრულებისათვის.

1.8 „შემსყიდველი“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.

1.9 „მიმწოდებელი“ ნიშნავს პირს, რომელმაც „შემსყიდველ“ ორგანიზაციასთან დადო „სახელმწიფო შესყიდვის შესახებ ხელშეკრულება“.

1.10 „CPV კოდი“ - შესყიდვის ობიექტების იდენტიფიცირებისა და ერთგვაროვნების დადგენის წესის დამტკიცების შესახებ სახელმწიფო შესყიდვების სააგენტოს თავმჯდომარის 2010 წლის 20 სექტემბრის №7 ბრძანებით გათვალისწინებული კლასიფიკატორის 8-ნიშნა კოდი.

მუხლი 2. ხელშეკრულების საგანი

2.1. წინამდებარე „ხელშეკრულების“ საგანია „შემსყიდველის“ მიერ „მიმწოდებელისაგან“ „ხელშეკრულების ღირებულების“ ფარგლებში: CPV 72400000 - ინტერნეტმომსახურებების შესყიდვა, წინამდებარე „ხელშეკრულებით“, „ხელშეკრულების“ „დანართი N1 - ფასების ცხრილი“ -ის და „დანართი N2 - ტექნიკური დავალების“ შესაბამისად.

2.2. „შემსყიდველი“ იღებს ვალდებულებას აუნაზღაუროს „მიმწოდებელს“ „ხელშეკრულების ღირებულება“ „ხელშეკრულებით“ განსაზღვრული პირობებით.

მუხლი 3. მომსახურების გაწევის ვადა

3.1. მიმწოდებელი ვალდებულია „მომსახურების“ გაწევა უზრუნველყოს, 2019 წლის 01 იანვრიდან - 2019 წლის 31 დეკემბრის ჩათვლით, უწყვეტად, 24 (ოცდაოთხი) საათის განმავლობაში.

მუხლი 4. ხელშეკრულების ღირებულება

4.1. „ხელშეკრულების ღირებულება“ შეადგენს: 23 100,00 (ოცდასამი ათას ასი) ლარს (შემდეგში „ღირებულება“), დღგ-ს ჩათვლით. ერთეულის „მომსახურების“ „ღირებულება“ განისაზღვრება წინამდებარე „ხელშეკრულების“ „დანართი N1 - ფასების ცხრილი“-ის და „დანართი N2 - ტექნიკური დავალების“ შესაბამისად.

4.2. ამ „ხელშეკრულების“ 4.1 პუნქტის შესაბამისად გათვალისწინებული „მომსახურების“ ერთეულის ფასი და საერთო „ღირებულება“ შეიცავს „მიმწოდებელის“ ყველა ხარჯებს, დაკავშირებულს „მომსახურების“ გაწევასთან და „შემსყიდველის“ საკუთრებაში გადაცემასთან, ასევე კანონით გათვალისწინებულ გადასახადებს.

4.3. წინამდებარე „ხელშეკრულების“ პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება „ხელშეკრულების ღირებულება“, ან უარესდება „ხელშეკრულების“ პირობები „შემსყიდველისათვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია „ხელშეკრულების ღირებულების“ 10%-ზე მეტი ოდენობით გაზრდა.

მუხლი 5. ანგარიშსწორების ფორმა, გრაფიკი და ვადები

5.1. „სახელშეკრულებო“ თანხის ანგარიშსწორება განხორციელდება „დანართი N1 - ფასების ცხრილი“-ის და „დანართი N2 - ტექნიკური დავალების“ შესაბამისად, ეტაპობრივად, ყოველთვიურად, ანგარიშ-ფაქტურის წარმოდგენის შემდეგ 10 (ათი) სამუშაო დღის განმავლობაში.

5.2. ანგარიშსწორების ვალუტა - ლარი.

5.3. ანგარიშსწორების ფორმა - უნაღდო.

5.4. „ხელშეკრულების ღირებულების“ შეცვლა შესაძლებელია მხოლოდ „მხარეთა“ წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 6. მხარეთა პასუხისმგებლობა

6.1. ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული „მხარე“ დაზარალებულ „მხარეს“ აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2. „მიმწოდებელი“ პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3. პირგასამტეხლო: სახელმწიფო შესყიდვების შესახებ ხელშეკრულებით ნაკისრი ვალდებულების შეუსრულებლობის შემთხვევაში, მხარეს დაეკისრება პირგასამტეხლო ხელშეკრულების საერთო ღირებულების 10%-ის ოდენობით, ხოლო ვალდებულების ნაწილის შეუსრულებლობის შემთხვევაში - ვალდებულების შეუსრულებელი ნაწილის 5%-ის ოდენობით. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ნაწილის 0.02%-ის ოდენობით.

6.4. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

6.5. „მიმწოდებელის“ მიერ „ხელშეკრულების“ პირობების შეუსრულებლობის შემთხვევაში „შემსყიდველს“ შეუძლია მიიღოს გადაწყვეტილება „ხელშეკრულების“ სრული ან მისი ცალკეული პირობის მოქმედების შეწყვეტის შესახებ.

6.6. თუ „შემსყიდველი“ მიიღებს ასეთ გადაწყვეტილებას ვალდებულია შეატყობინოს „მიმწოდებელს“ მიღებული გადაწყვეტილება, კანონმდებლობით დადგენილი წესით.

6.7. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მხარეებს“ დანარჩენი ვალდებულებების შესრულებისაგან.

მუხლი 7. ხარისხი

7.1. „მიმწოდებელი“ პასუხს აგებს გაწეული „მომსახურების“ ხარისხზე „ხელშეკრულებით“ „ხელშეკრულების“ „დანართი N1 - ფასების ცხრილი“ -ის და „დანართი N2 - ტექნიკური დავალების“ შესაბამისად.

მუხლი 8. მომსახურების გაწევის და მიღება-ჩაბარების წესი

8.1. „მომსახურების“ გაწევა დასტურდება „შემსყიდველს“ და „მიმწოდებელს“ შორის ანგარიშ-ფაქტურის საფუძველზე.

8.2. „შემსყიდველი“ უფლებამოსილია განაცხადოს უარი დაგვიანებით ან უხარისხოდ (წუნდებული) გაწეულ „მომსახურებაზე“. ასეთ შემთხვევაში „შემსყიდველი“ თავისუფლდება „ხელშეკრულების ღირებულების“ გადახდის ვალდებულებისაგან.

8.3. „მიმწოდებლის“ მიერ გასაწევ „მომსახურებაზე“ ან უკვე გაწეულ „მომსახურებაზე“ კონტროლი ხორციელდება ნებისმიერ ეტაპზე რისთვისაც გამოიყოფა უფლებამოსილი პირ(ებ)ი.

8.4. წინამდებარე ხელშეკრულების 8.3 მუხლის მიზნებისთვის, „მიმწოდებლის“ მიერ გასაწევ „მომსახურებაზე“ ან უკვე გაწეულ „მომსახურებაზე“ კონტროლის განმახორციელებელი პირია სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტის“ კომპიუტერული სამსახურის უზრუნველყოფის სპეციალისტი გიორგი მელითაური პ/ნ 01008039962 .

8.5. „მიმწოდებელი“ ვალდებულია საკუთარი სახსრებით უზრუნველყოს კონტროლის შედეგად გამოვლენილი ყველა დეფექტ(ებ)ის ან/და ხარვეზებ(ებ)ის აღმოფხვრა/გამოსწორება მისთვის „ხელშეკრულებით“ გათვალისწინებული „მომსახურების“ გაწევის, დასრულების ვადის ფარგლებში ამ მიზეზით ვადის გახანგრძლივების გარეშე.

8.6. „ხელშეკრულების“ შესრულების პირობების კონტროლის მიზნით „შემსყიდველი“ უფლებამოსილია გამოიყენოს სხვადასხვა სახის საშუალებები, ამასთან, კონტროლის განხორციელებისას ხელი არ უნდა შეუშალოს „მიმწოდებელს“ „მომსახურების“ გაწევაში.

მუხლი 9. მხარეთა უფლება - ვალდებულებები

9.1. „მიმწოდებელი“ ვალდებულია გაუწიოს „შემსყიდველს“ ამ „ხელშეკრულების“ მე-2-ე მუხლში მითითებული „მომსახურება“, განიხილოს „შემსყიდველის“ პრეტენზიები და მიაწოდოს მოტივირებული პასუხი ნებისმიერ სადაო საკითხზე.

9.2. „შემსყიდველი“ ვალდებულია დროულად აცნობოს „მიმწოდებელს“ გაწეულ „მომსახურებასთან“ დაკავშირებული ხარვეზების შესახებ და დროულად გადაიხადოს „ხელშეკრულების ღირებულება“.

9.3. „ხელშეკრულების“ ვადის ამოწურვა არ ათავისუფლებს „მხარეებს“ ამ „ხელშეკრულებით“ ნაკისრი ვალდებულებების სრული და ჯეროვანი შესრულებისგან და არ აუქმებს „მხარეთა“ შეთანხმებულ პასუხისმგებლობის ზომებს.

მუხლი 10. ფორს-მაჟორი

10.1. წინამდებარე „ხელშეკრულებისათვის“ „ფორს-მაჟორი“ ნიშნავს „მხარეებისათვის“ გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „მიმწოდებლის“ და/ან „შემსყიდველის“ შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2. „ხელშეკრულების“ დამდები რომელიმე მხარის მიერ „ხელშეკრულების“ პირობების შეუსრულებლობა არ გამოიწვევს საჯარიმო სანქციების გამოყენებას, თუ „ხელშეკრულების“ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3. ფორს-მაჟორული სიტუაციის 10 დღეზე მეტი ხნით გაგრძელების შემთხვევაში „მხარეები“ უფლებამოსილნი არიან ცალმხრივად შეწყვიტონ „ხელშეკრულება“, რაც დაუყოვნებლივ უნდა ეცნობოს მეორე „მხარეს“.

მუხლი 11. ხელშეკრულების მოქმედების ვადა.

11.1. წინამდებარე „ხელშეკრულება“ ძალაში შედის 2018 წლის 28 დეკემბერს და მოქმედებს „მხარეთა“ მიერ ამ „ხელშეკრულებიდან“ წარმოშობილ ვალდებულებების სრულად შესრულებამდე, მაგრამ არაუმეტეს 2020 წლის 31 იანვრისა.

მუხლი 12. სხვა პირობები

12.1. „მხარეთა“ შორის სადავო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში „მხარეები“ უფლებამოსილნი არიან მიმართონ საქართველოს სასამართლოს.

12.2. „ხელშეკრულებაში“ დამატებების და/ან ცვლილებების შეტანა შესაძლებელია მხოლოდ წერილობითი ფორმით, „მხარეთა“ ან მათი უფლებამოსილი წარმომადგენლების მიერ ხელმოწერით.

12.3. „მხარეები“ უფლებამოსილნი არიან მოშალონ წინამდებარე „ხელშეკრულება“ ცალმხრივად, თუ მეორე „მხარე“ ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

12.4. იურიდიული მისამართის, საბანკო რეკვიზიტების, ხელმძღვანელობის/წარმომადგენლობის, საფირმო სახელწოდების, სამართლებრივი ფორმის, საიდენტიფიკაციო ნომრის შეცვლის შემთხვევაში „მხარეები“ ვალდებული არიან 3 დღის ვადაში წერილობით აცნობონ ერთმანეთს ამის შესახებ.

12.5. „ხელშეკრულება“ შედგენილია ქართულ ენაზე ორ ეგზემპლარად და თითოეულს გააჩნია თანაბარი იურიდიული ძალა.

მუხლი 13. მხარეთა იურიდიული მისამართი და ხელმოწერა

„შემსყიდველი“	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“	„მიმწოდებელი“	შპს „მაგთიკომი“
საიდენტიფიკაციო კოდი:	203851028	საიდენტიფიკაციო კოდი:	204876606
მისამართი:	ქ. თბილისი, შ. რუსთაველის გამზ. N19	მისამართი:	საქართველო, ქ. თბილისი, ვაკის რაიონი, ანაპოლიტკოვსკაიას ქ., №7
ტელეფონი:	322 999 411	ტელეფონი:	595 207 799
ბანკი:	სახელმწიფო ხაზინა	ბანკი:	სს „ვითიბი ბანკი ჯორჯია“
ბანკის კოდი (მფო):	TRESGE22	ბანკის კოდი (მფო):	UGEBGE22
ანგარიშის N:	708887289	ანგარიშის N:	GE73 VT66 0000 0000 4236 07

„შემსყიდველი“
სსიპ „საქართველოს შოთა რუსთაველის
თეატრისა და კინოს სახელმწიფო
უნივერსიტეტი“

ირინა დვალა

„მიმწოდებელი“

შპს „მაგთიკომი“

გია კომორიძე

N	მომსახურების დასახელება	ოზიქტის დასახელება	მისამართი	კავშირის ტიპი	გარანტირებული სიმეტრიული არხი გლობალური/ლოკალური	თვეების რაოდენობა	ერთი თვის საფასური (ლარი)	სულ ერთი წლის განმავლობაში (ლარი)
1	ინტერნეტმომსახურება	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ I კორპუსი	საქართველო, ქ. თბილისი, შ. რუსთაველის გამზ. N19	ოპტიკური - ბოჭკოვანი	20/100 მმ/წმ	12	962,50	11550,00
2		სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ II კორპუსი	საქართველო, ქ. თბილისი დ. აღმაშენებლის გამზ. N40	ოპტიკური - ბოჭკოვანი	20/100 მმ/წმ	12	962,50	11550,00
3	სულ							23100,00

„შემსყიდველი“

„მიმწოდებელი“

სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“

შპს „მაგთიკომი“



N	ობიექტის დასახელება	მისამართი	კავშირის ტიპი	გარანტირებული სიმეტრიული არხი გლობალური/ლოკალური
1	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტის“ I კორპუსი.	საქართველო, ქ. თბილისი, შ. რუსთაველის გამზ. N19	ოპტიკური - ბოჭკოვანი	20/100 მბ/წმ
2	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტის“ II კორპუსი.	საქართველო, ქ. თბილისი დ. აღმაშენებლის გამზ. N40	ოპტიკური - ბოჭკოვანი	20/100 მბ/წმ

- ინტერნეტმომსახურება ყოველდღიურად 24 საათის განმავლობაში, უწყვეტ რეჟიმში.
- 15 გლობალური IP მისამართის გამოყოფა.
- საიმედოობის დონე - უმაღლესი.
- შერევის კოეფიციენტი 99.5%.
- საჭიროების შემთხვევაში გამოყენებული სერვისების მიხედვით დეტალური სტატისტიკის მიწოდება.
- საერთაშორისო არხის დატვირთვის სტატისტიკის მიწოდება.
- VPN კავშირებისათვის არხების შეუზღუდაობა.
- ინტერნეტ-კავშირისათვის საჭირო მოწყობილობების/მასალების განთავსება.
- ტექნიკური მხარდაჭერა და კონსულტაცია კვირაში 7 დღე 24 საათი: ტელეფონის და ელ. ფოსტის საშუალებით და საჭიროების შემთხვევაში ადგილზე დახმარების აღმოჩენა ტექნიკურ საკითხებთან დაკავშირებით.

„შემსყიდველი“

სსიპ „საქართველოს შოთა რუსთაველის
თეატრისა და კინოს სახელმწიფო
უნივერსიტეტი“

ირინა დვალი



„მიმწოდებელი“

შპს „მაგნიკომი“

გიორგი კომორიძე





საჯარო სამართლის იურიდიული პირი
საქართველოს შოთა რუსთაველის თეატრისა და კინოს სახელმწიფო
უნივერსიტეტი

ბრძანება N 228/2-02

2018 წლის 25 დეკემბერი ქ. თბილისი

ადმინისტრაციის ხელმძღვანელის უფლებამოსილების დაკისრების შესახებ

„უმაღლესი განათლების შესახებ“ საქართველოს კანონის 23-ე მუხლის, 24-ე მუხლის პირველი ნაწილის „ზ“ და „ი“ ქვეპუნქტებისა და საქართველოს კულტურისა და ძეგლთა დაცვის მინისტრის 2014 წლის 7 ივლისის №05/91 ბრძანებით დამტკიცებული საჯარო სამართლის იურიდიული პირის – საქართველოს შოთა რუსთაველის თეატრისა და კინოს სახელმწიფო უნივერსიტეტის წესდების 21-ე მუხლის მეოთხე ნაწილის „ი“ ქვეპუნქტისა და მე-8 პუნქტის საფუძველზე

ვ ბ რ ძ ა ნ ე ბ ა :

1. 2018 წლის 26 დეკემბრიდან 2019 წლის 04 იანვრის ჩათვლით ადმინისტრაციის ხელმძღვანელის შვებულებაში ყოფნის პერიოდში, მისი უფლებამოსილების დროებით შესრულება დაეკისროს სსიპ – საქართველოს შოთა რუსთაველის თეატრისა და კინოს სახელმწიფო უნივერსიტეტის საფინანსო-ეკონომიკური სამსახურის უფროსს ირინა დვალს.

2. ბრძანების შესრულებაზე კონტროლი დაევალოს საორგანიზაციო სამსახურს.

3. ბრძანება ძალაშია ხელმოწერისთანავე.

ბრძანება შეიძლება გასაჩივრდეს თბილისის საქალაქო სასამართლოში მისი გაცნობიდან 1 თვის ვადაში, შემდეგ მისამართზე: თბილისი, დავით აღმაშენებლის ხეივანი მე-12 კმ. № 6.

ადმინისტრაციის ხელმძღვანელი

რუსუდან თევზაძე

წმინდა

ქ. თბილისი

